

LIGJ
Nr. 15/2015

PËR ROLIN E KUVENDIT NË PROCESIN E INTEGRIMIT TË REPUBLIKËS SË SHQIPËRISË NË BASHKIMIN EUROPIAN

(ndryshuar me ligjin nr. 19/2023, datë 16.3.2023)

(i përditësuar)

Në mbështetje të neneve 78 dhe 83, pika 1, të Kushtetutës, me propozimin e një grupi deputetësh,

KUVENDI
I REPUBLIKËS SË SHQIPËRISË

VENDOSI:

KREU I
DISPOZITA TË PËRGJITHSHME

Neni 1

Qëllimi

Qëllimi i këtij ligji është forcimi i rolit të Kuvendit të Shqipërisë në procesin e integrimit të Republikës së Shqipërisë në Bashkimin Europian.

Neni 2

Objekti

(ndryshuar me ligjin nr. 19/2023, datë 16.3.2023)

Objekt i këtij ligji është përcaktimi i rregullave për marrëdhëniet e Kuvendit me Këshillin e Ministrave, ministrin përgjegjës për negociatat me Bashkimin Europian, institucionet e pavarura kushtetuese dhe të krijuara me ligj, në procesin e integrimit të Republikës së Shqipërisë në Bashkimin Europian.

Neni 3

Fusha e veprimit të ligjit

(shtuar shkronjat “b/1”, “b/2” dhe “b/3” me ligjin nr. 19/2023, datë 16.3.2023)

Ligji e shtrin veprimin e tij mbi funksionet e Kuvendit që kanë të bëjnë me:

a) monitorimin e zbatimit të kuadrit ligjor dhe mbikëqyrjen e zbatimit të politikave për çështjet e integrimit europian;

b) monitorimin e zbatimit të kuadrit normativ që ka të bëjë me integrimin europian dhe të fondeve financiare të ofruara nga Bashkimi Europian;

b/1. dhënien e rekomandimeve për pozicionet negociuese të Republikës së Shqipërisë në negociatat e anëtarësimit në Bashkimin Europian;

b/2. monitorimin e kriterëve të vendosura gjatë procesit të negociatave;

b/3. informimin mbi gjetjet kryesore të raportit të shqyrtimit analitik të legjislacionit të Komisionit Europian.

c) informimin e publikut për ecurinë e etapave të procesit të anëtarësimit të Republikës së

Shqipërisë në Bashkimin European dhe bashkëpunimin me shoqërinë civile të përfshirë në këtë proces.

Neni 4

Përkufizime

(ndryshuar shkronja “ë”, shtuar shkronja “gj” me ligjin nr. 19/2023, datë 16.3.2023)

Në këtë ligj termat e mëposhtëm kanë këto kuptime:

a) “Çështjet europiane” janë çështjet që dalin nga anëtarësimi i Republikës së Shqipërisë në Bashkimin European.

b) “Dokumente strategjike sektoriale dhe ndërsektoriale” janë akte të organit publik, në ushtrim të funksionit të tij publik, ku shprehet vullneti dhe parashikimet për zhvillimin dhe realizimin e një politike të caktuar publike në fushat e ekonomisë, zhvillimit social, drejtësisë dhe çështjeve të brendshme, dhe marrëdhënieve me jashtë, të cilat mund të përcaktojnë shpërndarjen e burimeve financiare dhe njerëzore në një periudhë të caktuar kohore, me qëllim arritjen e objektivave të përcaktuara në to.

c) “Fondet e Bashkimit European” janë fondet që akordohen nga Bashkimi European për mbështetjen e vendit tonë në plotësimin e kriterëve dhe kushteve për anëtarësimin në Bashkimin European.

ç) “Grup interesi” është çdo organizatë jofitimprurëse që ka interesa të përbashkët në fushën e integritetit european, ose subjekte të tjera të interesuara për çështjet e integritetit european.

d) “Institucionet e Bashkimit European” janë institucionet vendimmarrëse të Bashkimit European, si përcaktohen në të drejtën e Bashkimit European.

dh) “Kuatrë rregullator i negociatave /bisedimeve për anëtarësim” është kuadrë që përcakton parimet dhe udhëzimet për negociatat/bisedimet për anëtarësim, i përgatitur nga Komisioni European, në bashkëpunim me Këshillin e Ministrave të Republikës së Shqipërisë, dhe i miratuar nga shtetet anëtare të Bashkimit European.

e) “Projektakt” është projekti i një ligji, dokumenti strategjik, si dhe projekte të akteve normative, sipas fushës përkatëse të kompetencave, që kanë të bëjnë me çështje të integritetit european.

ë) “Legjislacioni i Bashkimit European” është korpusi i normave detyruese dhe rekomanduese në të gjitha shtetet anëtare të Bashkimit European.

f) “Plani kombëtar për integrimin european, është programi kombëtar i miratuar nga Këshilli i Ministrave, që shërben për zbatimin e detyrimeve që rrjedhin nga procesi i anëtarësimit.

g) “Ministri përgjegjës” është ministri që përgjigjet për çështjet e integritetit european.

gj) “Pozicion negociues” është pozicioni që do të prezantojë Republika e Shqipërisë për kapitujt ose grup-kapitujt.

Neni 5

Parime të përgjithshme

Integrimi i Shqipërisë në Bashkimin European bazohet në respektimin e parimeve të shtetit të së drejtës, të mbrojtjes së të drejtave dhe lirive themelore të njeriut, të ligjshmërisë, të subsidiaritetit, të proporcionalitetit, të bashkëpunimit reciprok, të transparencës, të gjithë-përfshirjes dhe të ekonomisë së tregut.

KREU II

STRUKTURAT PËRGJEGJËSE PËR INTEGRIMIN EUROPIAN

Neni 6

Këshilli Kombëtar i Integritetit European

(ndryshuar pika 3 dhe 4 me ligjin nr. 19/2023, datë 16.3.2023)

1. Këshilli Kombëtar i Integritetit Europian është struktura më e lartë këshillimore kombëtare për integritetin europian, që ngrihet pranë Kuvendit, i cili nxit dhe garanton bashkëpunimin gjithëpërfshirës ndërmjet forcave politike, institucioneve publike dhe shoqërisë civile, si dhe siguron rritjen e transparencës në vendimmarrjen për çështjet e integritetit.

2. Këshilli Kombëtar i Integritetit drejtohet nga Kryetari i Komisionit Parlamentar të Integritetit. Zëvendëskryetar është kryesuesi i delegacionit shqiptar në Komitetin Parlamentar për Stabilizim-Asociimin.

3. Këshilli Kombëtar i Integritetit Europian përbëhet nga:

- a) kryetarët dhe nënkryetarët e komisioneve të përhershme parlamentare;
- b) përfaqësues të grupeve parlamentare të Kuvendit;
- c) kryesuesi i delegacionit shqiptar në Komitetin Parlamentar për Stabilizim-Asociimin;
- ç) Avokati i Popullit;
- d) ministri përgjegjës për integritetin dhe ministri përgjegjës për negociatat me Bashkimin Europian;
- dh) përfaqësues nga kabineti i Kryeministrit;
- e) përfaqësues nga ministria përgjegjëse për punët e jashtme;
- ë) përfaqësues nga kabineti i Presidentit të Republikës së Shqipërisë;
- f) Prokurori i Përgjithshëm;
- g) Drejtuesi i Prokurorisë së Posaçme Kundër Korrupsionit dhe Krimit të Organizuar;
- gj) Kryetari i Këshillit të Lartë Gjyqësor, i Këshillit të Lartë të Prokurorisë, Inspektori i Lartë i Drejtësisë;

h) përfaqësues nga organizata të shoqërisë civile të përfshira në çështjet e integritetit europian, të cilat i përgjigjen thirrjes për aplikim dhe ftohen për çdo grup-kapitujsh.

4. Në takimet e Këshillit Kombëtar të Integritetit Europian marrin pjesë me statusin e të ftuarit sipas tematikës së takimit:

- a) titullarët e institucioneve të pavarura kushtetuese dhe të krijuara me ligj, të cilët raportojnë dhe informojnë Kuvendin dhe që nuk përfshihen në pikën 3 të nenit 6 të ligjit;
- b) përfaqësues nga organizatat e biznesit, dhomat e tregtisë, sindikatat, të cilët i përgjigjen thirrjes për aplikim, në bazë të fushës së përgjegjësisë;
- c) përfaqësues nga Akademia e Shkencave dhe institucionet e arsimit të lartë publik;
- ç) përfaqësues nga media, të cilët i përgjigjen thirrjes për aplikim;
- d) përfaqësues të organizatave ndërkombëtare dhe të trupit diplomatik.

5. Këshilli Kombëtar i Integritetit Europian, sipas tematikës së takimit, fton të marrin pjesë edhe ministrat përgjegjës dhe/ose institucionet e varësisë.

6. Këshilli Kombëtar i Integritetit Europian organizon takime periodike.

7. Organizimi dhe funksionimi i Këshillit përcaktohen në rregulloren e miratuar nga Byroja e Kuvendit.

Neni 7

Kompetencat dhe përgjegjësitë e Këshillit Kombëtar të Integritetit Europian

(ndryshuar me ligjin nr. 19/2023, datë 16.3.2023)

1. Këshilli Kombëtar i Integritetit Europian ka këto përgjegjësi:

a) nxit bashkëpunimin midis forcave politike, institucioneve shtetërore dhe të pavarura dhe shoqërisë civile në procesin e integritetit të Republikës së Shqipërisë në Bashkimin Europian;

b) siguron diskutim të vazhdueshëm për politikën e integritetit europian, të zbatuara nga institucionet shtetërore me shoqërinë civile dhe me aktorë të tjerë të interesuar;

c) monitoron zbatimin e detyrimeve gjatë procesit të negociatave të anëtarësimit të Republikës së Shqipërisë në Bashkimin European, jep rekomandimet përkatëse për çështjet e shqyrtuara tek institucionet përgjegjëse dhe informon sipas rastit Komisionin për Çështjet Europiane për gjetjet e konstatuara gjatë monitorimit;

ç) organizon takime me grupet e interesit dhe përfaqësues të shoqërisë civile për çështje që lidhen me detyrimet për hapjen dhe mbylljen e kapitujve të negociatave;

d) zhvillon takime me ministrin përgjegjës për negociatat me Bashkimin European dhe me strukturën përgjegjëse për negociatat;

dh) këshillon dhe jep opinione në lidhje me ecurinë e procesit të negociatave;

e) mban kontakte dhe shkëmben informacion me Presidentin e Republikës së Shqipërisë, Kryetarin e Kuvendit dhe Kryeministrin nëpërmjet kryetarit të Këshillit Kombëtar për Integrim European;

ë) raporton një herë në vit në Kuvend për punën e Këshillit.

2. Gjatë veprimtarisë së tij Këshilli shqyrton dhe këshillon për çështje që vlerësohen të rëndësishme për procesin e integritit european.

Neni 8

Sekretariati teknik

(ndryshuar me ligjin nr. 19/2023, datë 16.3.2023)

1. Këshilli Kombëtar i Integritit European asistohet nga Sekretariati Teknik, i cili kryen funksione këshillimore dhe administrative dhe përbëhet nga punonjësit e administratës së Kuvendit.

2. Rregulla të detajuara për përbërjen, organizimin, funksionimin, numrin e punonjësve dhe përgjegjësitë e Sekretariatit Teknik miratohen me vendim të Byrosë së Kuvendit.

3. Vendimi i Byrosë së Kuvendit për shtim të numrit të punonjësve në organikën e Kuvendit i dërgohet Këshillit të Ministrave dhe ministrisë përgjegjëse për financat për sigurimin e mbështetjes së nevojshme buxhetore për këtë qëllim.

Neni 9

Komiteti Parlamentar për Stabilizim-Asociimin

1. Komiteti Parlamentar për Stabilizim-Asociimin (Komiteti) është strukturë e përbashkët e Kuvendit dhe Parlamentit European që funksionon sipas Marrëveshjes së Stabilizim-Asociimit.

2. Komiteti përbëhet nga anëtarë të Parlamentit European dhe anëtarë të Kuvendit, të cilët propozohen sipas përcaktimeve në Rregulloren e Kuvendit për delegacionet e përhershme pranë organizmave ndërkombëtarë. Për aq sa është e mundur, anëtarët e këtij Komiteti duhet të jenë anëtarë të Komisionit për Çështjet Europiane.

3. Komiteti kryesohet me rotacion nga Parlamenti European dhe Kuvendi i Shqipërisë.

4. Komiteti funksionon sipas rregullores së brendshme, të miratuar bashkërisht, dhe vendimarrja realizohet me konsensus.

5. Kuvendi, në seancën më të parë plenare, informohet pas çdo takimi për të gjitha çështjet e diskutuara dhe konkluzionet e takimit.

Neni 10

Komisioni për Çështjet Europiane

(ndryshuar me ligjin nr. 19/2023, datë 16.3.2023)

Komisioni për Çështjet Europiane është organ i përhershëm i Kuvendit, që ka në fushën e përgjegjësisë së tij:

a) çështjet e integritit european;

- b) përafrimin e legjislacionit shqiptar me legjislacionin e Bashkimit European;
- c) monitorimin e zbatimit të kriterëve gjatë procesit të negociatave, angazhimeve që rrjedhin nga kuadri negociator, Marrëveshja e Stabilizim-Asociimit, si dhe të asistencës financiare të Bashkimit European për Republikën e Shqipërisë;
- ç) shqyrtimin dhe dhënien e rekomandimeve për pozicionet negociuese të Republikës së Shqipërisë.

KREU III KOMPETENCAT DHE BASHKËPUNIMI NDËRINSTITUCIONAL

Neni 11

Kompetencat dhe përgjegjësitë e Kuvendit në çështjet europiane

(ndryshuar me ligjin nr. 19/2023, datë 16.3.2023)

1. Kuvendi, në ushtrim të funksioneve të tij kushtetuese dhe ligjore, në lidhje me çështjet europiane:

- a) siguron përafrimin e legjislacionit shqiptar me legjislacionin e Bashkimit European në ushtrimin e funksionit legjislativ;
- b) monitoron dhe kontrollon punën e Këshillit të Ministrave, ministrit përgjegjës për negociatat me Bashkimin European, institucioneve të ngarkuara për zbatimin e detyrave në procesin e anëtarësimit në Bashkimin European;
- c) shqyrton raportet/konkluzionet e Bashkimit European dhe qëndrimet e Republikës së Shqipërisë, si dhe jep rekomandime mbi to;
- ç) bashkëpunon me Parlamentin European dhe me parlamentet e vendeve anëtare të Bashkimit European;
- d) monitoron punën e institucioneve të pavarura kushtetuese dhe të krijuara me ligj për çështjet e integritetit european dhe bashkëpunon me to;
- dh) bashkëpunon me shoqërinë civile dhe grupet e interesit për çështjet e integritetit european;
- e) përfaqëson interesin publik në procesin e negociatave, në takime dhe në forumet e përbashkëta me institucionet europiane;
- ë) informon publikun për pozicionin e institucioneve europiane dhe vendeve anëtare të Bashkimit European ndaj procesit të negociatave të anëtarësimit të Republikës së Shqipërisë në Bashkimin European.

2. Kuvendi në lidhje me çështjet europiane angazhohet edhe për:

- a) vendosjen e dialogut të përshtatshëm politik ndërmjet palëve në proces;
- b) monitorimin e zbatimit të kuadrit negociator, Marrëveshjes së Stabilizim-Asociimit dhe asistencën financiare të Bashkimit European;
- c) forcimin e bashkëpunimit rajonal për çështjet e integritetit european.

Neni 12

Ndërveprimi me institucionet e Bashkimit European

1. Kuvendi merr pjesë në nisma rajonale dhe europiane të bashkëpunimit ndërparlamentar, për çështje të integritetit european.

2. Kuvendi përfaqësohet në këto marrëdhënie nga anëtarë të tij, të cilët propozohen sipas përcaktimit në Rregulloren e Kuvendit për delegacionet e përhershme pranë organizmave ndërkombëtarë.

Neni 13

Detyrimet e Këshillit të Ministrave në marrëdhëniet me Kuvendin

Këshilli i Ministrave, me kërkesë të Kuvendit, informon mbi punën e bërë pranë institucioneve të ndryshme të Bashkimit Europian, veçanërisht për:

- a) projekt marrëveshjet dhe konventat që duhen miratuar me Bashkimin Europian, në kuadër të procesit të anëtarësimit të Shqipërisë në Bashkimin Europian;
- b) projektaktet që kanë të bëjnë me angazhimet në traktatet e Bashkimit Europian, me përjashtim të akteve administrative;
- c) projektaktet e të drejtave dhe detyrimeve që rrjedhin në mënyrë jo të drejtpërdrejtë dhe që janë të rëndësishme për Republikën e Shqipërisë;
- ç) projektaktet që kanë të bëjnë me përdorimin e fondeve të Bashkimit Europian.

Neni 14

Kompetencat dhe përgjegjësitë e Komisionit për Çështjet Europiane

(ndryshuar titulli, zëvendësuar fjalë në fjalinë hyrëse, shtuar shkronjat "j", "g", "gj", "h", "i", "j", "k", "l" me ligjin nr. 19/2023, datë 16.3.2023)

Komisioni për Çështjet Europiane, në përmbushje të funksioneve të tij, ushtron edhe këto përgjegjësi:

- a) shqyrton, së bashku me komisionet e tjera parlamentare, projektligjet që kanë lidhje me përafrimin e legjislacionit shqiptar me legjislacionin e BE-së;
- b) monitoron Këshillin e Ministrave /ministrinë përgjegjëse për çështjet e integritetit për zbatimin e detyrimeve që rrjedhin nga procesi i anëtarësimit në BE;
- c) nxit ministrinë përgjegjëse për çështjet e integritetit europian, që të hartojë dhe të përditësojë planin kombëtar për integrimin europian, si dhe monitoron zbatimin e tij;
- ç) monitoron kuadrin e përgjithshëm të bisedimeve për anëtarësim;
- d) monitoron, së bashku me komisionet e tjera të përshërshme, zbatimin e legjislacionit shqiptar të përafruar me legjislacionin e BE-së;
- dh) bashkërendon punën me Komitetin Parlamentar për Stabilizim-Asociimin për të mbajtur marrëdhënie të bashkëpunimit me strukturat e Parlamentit Europian, si dhe me parlamentet e vendeve anëtare të BE-së;
- e) bashkëpunon me organizatat e shoqërisë civile për të siguruar informimin dhe pjesëmarrjen e tyre në procesin e integritetit europian;
- ë) harton dhe shqyrton projektrezoluta lidhur me Planin Kombëtar për Integrimin Europian;
- f) shqyrton pozicionet negociuese të paraqitura nga struktura negociatore dhe harton një raport të posaçëm me rekomandime lidhur me këto pozicione negociuese;
- g) lehtëson debatin politik dhe gjetjen e konsensusit ndërpartiak për miratimin dhe ndryshimin e ligjeve, strategjive apo rezolutave të nevojshme për përshpejtimin e procesit të negociatave;
- gj) kërkon raportime periodike çdo 3 muaj nga ministri përgjegjës për negociatat me Bashkimin Europian për ecurinë e procesit të negociatave;
- h) në bashkërendim me Komisionin për Politikën e Jashtme organizon takime dhe diskutime me parlamentet kombëtare të shteteve anëtare dhe Parlamentin Europian;
- i) thërret për mendim, sipas nevojës, ekspertë të fushave përkatëse dhe grupe interesi;
- j) mbikëqyr zbatimin e kriterëve gjatë procesit të negociatave;
- k) shqyrton të gjitha marrëveshjet që lidhen me institucionet e Bashkimit Europian dhe/ose me vendet e Bashkimit Europian, si dhe marrëveshjet me karakter të mbështetjes financiare;

l) zhvillon mbledhje të përbashkëta me komisionet e tjera parlamentare për çdo projektakt që mbart ndikim në procesin e anëtarësimit.

Neni 14/1

Procedura për shqyrtimin e pozicioneve negociuese

(shënuar me ligjin nr. 19/2023, datë 16.3.2023)

1. Ministri përgjegjës për negociatat me Bashkimin European i paraqet Komisionit për Çështjet Europiane pozicionin negociues.

2. Komisioni për Çështjet Europiane e përfshin pozicionin negociues në kalendarin e punimeve të tij dhe e shqyrton jo më vonë se 14 ditë nga data e paraqitjes së pozicionit negociues ose brenda një afati më të ngushtë në përputhje me kalendarin e takimeve negociuese me Bashkimin European.

3. Në rast se pozicioni negociues nuk është përfshirë në kalendarin e punimeve të Komisionit brenda 4 ditëve nga data e paraqitjes të tij, ai automatikisht konsiderohet i përfshirë në kalendar dhe shqyrtohet jo më vonë se 10 ditë nga data e përfshirjes në kalendar.

4. Komisioni për Çështjet Europiane në përfundim të shqyrtimit të pozicionit negociues miraton një raport të posaçëm me rekomandime për pozicionin negociues, i cili duhet të merret parasysh nga struktura negociatore.

5. Në rast se rekomandimet e Komisionit sipas pikës 4 të këtij neni nuk merren parasysh, ministri përgjegjës për negociatat me Bashkimin European informon me shkrim Komisionin për arsyet e mosmarrjes parasysh të rekomandimeve.

6. Struktura negociatore vijon me hartimin përfundimtar të pozicionit negociues nëse Komisioni për Çështjet Europiane nuk dërgon raportin e posaçëm me rekomandimet jo më vonë se 14 ditë nga data e paraqitjes pranë Komisionit.

7. Anëtarët e Komisionit për Çështjet Europiane hartojnë dhe nënshkruajnë deklaratën e konfidencialitetit për marrjen në shqyrtim të pozicioneve negociuese.

KREU IV

PJESËMARRJA NË PROCESIN E PËRAFRIMIT TË LEGJISLACIONIT

Neni 15

Plani Kombëtar për Integrimin European

1. Këshilli i Ministrave depoziton në Kuvend Planin Kombëtar për Integrimin European.

2. Kuvendi, çdo vit, zhvillon një seancë me debat për detyrat që dalin për Kuvendin, të parashikuara në Planin Kombëtar për Integrimi European dhe miraton rezolutën përkatëse.

Neni 16

Lista e projekteve për përafrim legjislativ

(ndryshuar fjalë në pikën 2 me ligjin nr. 19/2023, datë 16.3.2023)

1. Këshilli i Ministrave, brenda muajit janar të çdo viti, i dërgon Kuvendit, listën e përditësuar të projektligjeve, me qëllim programimin e punës së Kuvendit dhe përcaktimin e procedurave të shqyrtimit, sipas rastit.

2. Komisioni për Çështjet Europiane shqyrton listën e projekteve që synojnë përafrimin e legjislativ shqiptar me atë të Bashkimit European dhe, në bashkëpunim me komisionet e përhershme të Kuvendit, sipas fushave përkatëse të përgjegjësisë, përgatit një raport të posaçëm me rekomandime, të

cilat i paraqiten Këshillit të Ministrave.

Neni 17

Projektligjet e përafrimit të legjislacionit

(ndryshuar fjalë në pikën 1 me ligjin nr. 19/2023, datë 16.3.2023)

1. Projektligjet që synojnë përafrimin e legjislacionit shqiptar me atë të Bashkimit Europian, të paraqitura për miratim në Kuvend, shqyrtohen paraprakisht nga Komisioni për Çështjet Europiane dhe më pas nga komisionet e tjera të përhershme të Kuvendit, sipas fushës së përgjegjësisë.

2. Projektligjet e paraqitura nga Këshilli i Ministrave shoqërohen me tabelën që analizon shkallën e përputhshmërisë me të drejtën e Bashkimit Europian, në përputhje me kriteret e parashikuara nga legjislacioni në fuqi për instrumentet e përafrimit të legjislacionit vendas me atë të Bashkimit Europian.

3. Organet e Kuvendit, kur konstatojnë mangësi në këtë dokumentacion, i kthejnë Këshillit të Ministrave projektligjin, i cili brenda 15 ditëve duhet të ridërgohet në Kuvend i plotësuar.

4. Ministria përgjegjëse për integrimin europian krijon bazën e të dhënave të tabelave të përputhshmërisë të ligjeve të miratuara, e cila përditësohet nga institucionet që kanë të drejtën e iniciativës legjislative.

5. Institucioni propozues i projektligjit duhet të reflektojë në tabelën e përputhshmërisë të gjitha ndryshimet që ka pësuar projektligji, brenda 15 ditëve nga data e publikimit të ligjit të miratuar.

Neni 17/1

Procedura e shqyrtimit të ligjeve që synojnë përafrimin

(shtuar me ligjin nr. 19/2023, datë 16.3.2023)

Komisioni për Çështjet Europiane përfshin menjëherë në kalendarin e tij të punës dhe shqyrton me përparësi ligjet që synojnë përafrimin e legjislacionit, marrëveshjet që lidhen me zbatimin e Marrëveshjes së Stabilizim-Asociimit dhe/ose detyrimeve që dalin nga procesi i negociatave të anëtarësimit.

KREU V

RAPORTIMI DHE MBIKËQYRJA

Neni 18

Raportimi në Kuvend

(shtuar pika 3 me ligjin nr. 19/2023, datë 16.3.2023)

1. Këshilli i Ministrave, deri më 31 janar të çdo viti, paraqet në Kuvend një raport të detajuar mbi zbatimin e detyrimeve, sipas Planit Kombëtar për Integrimin Europian, ecurinë e procesit të bisedimeve për anëtarësim dhe menaxhimin e fondeve nga Bashkimi Europian dhe donatorë të tjerë, për vitin paraardhës. Raporti shqyrtohet në seancë plenare, në përfundim të së cilës Kuvendi miraton rezolutën përkatëse.

2. Këshilli i Ministrave, jo më vonë se tre javë nga publikimi i Raportit të Progresit të Komisionit Europian, raporton në Kuvend për gjetjet, rekomandimet, situatën aktuale të zhvillimeve politike, ekonomike dhe sociale të vendit, si dhe për angazhimet konkrete për përmbushjen e rekomandimeve. Raporti shqyrtohet në seancë plenare, në përfundim të së cilës Kuvendi miraton rezolutën përkatëse.

3. Këshilli i Ministrave dhe ministri përgjegjës për negociatat me Bashkimin Europian informojnë në seancë plenare konkluzionet mbi negociimin e një kapitulli ose grup kapitujsh pas zhvillimit të konferencës ndërqeveritare me Bashkimin Europian.

Neni 19

Raportimi në Komisionin për Çështjet Europiane

(ndryshuar pika 1, shtuar pika 1/1 me ligjin nr. 19/2023, datë 16.3.2023)

1. Ministri përgjegjës për integrimin europian dhe ministri përgjegjës për negociatat me Bashkimin Europian, paraqesin në fund të çdo 3-mujori në Komisionin për Çështjet Europiane një raport të hollësishëm për:

a) listën e përditësuar të projektligjeve të lidhura me çështjet e integrimit europian, të cilat do t'i kalojnë për shqyrtim Kuvendit për periudhën vijuese;

b) ecurinë e procesit të bisedimeve për anëtarësim;

c) tekstet e plota të raporteve të paraqitura pranë strukturave të Komisionit Europian apo strukturave të përbashkëta, qëndrimet për çështjet e diskutuara, si dhe konkluzionet e rekomandimet e arritura nga këto takime;

ç) agjendën e takimeve të përbashkëta të strukturave të Bashkimit Europian dhe Republikës së Shqipërisë të ngritura sipas Marrëveshjes së Stabilizim-Asociimit, si dhe agjendën e takimeve të negociatave.

1/1. Ministri përgjegjës për integrimin europian dhe ministri përgjegjës për negociatat me Bashkimin Europian raportojnë të paktën një muaj para zhvillimit të takimit të Komitetit Parlamentar të Stabilizim-Asociimit për adresimin e rekomandimeve të marra prej tij nga institucionet përgjegjëse sipas fushës së përgjegjësisë.

2. Me kërkesë të Komisionit për Çështjet Europiane ose të 1/3 së anëtarëve të tij, ministri përgjegjës për integrimin europian thirret për të informuar mbi çdo çështje që ka të bëjë me koordinimin e procesit të anëtarësimit të Republikës së Shqipërisë në Bashkimin Europian.

3. Për zbatimin e planit të veprimeve, të parashikuar në politikat sektoriale dhe ndërsektoriale të miratuara, si dhe për çështje specifike të fushave të tjera që lidhen me integrimin europian, Komisioni thërret edhe ministrat e përkatës.

Neni 20

Raportimi i institucioneve të pavarura

Komisioni për Çështjet Europiane dhe komisionet përgjegjëse, sipas fushave përkatëse të përgjegjësisë, mund të thërrasin institucionet kushtetuese të pavarura dhe institucionet e krijuara me ligj, që raportojnë dhe informojnë Kuvendin, për të raportuar dhe për të dhënë informacione, në çdo kohë, mbi zbatimin e detyrimeve të procesit të integrimit europian dhe zbatimit të kuadrit ligjor përkatës.

Neni 21

Mbikëqyrja e zbatueshmërisë së kuadrit normativ për përafrimin e legjislacionit

1. Komisioni për Çështjet Europiane koordinon me komisionet e përhershme të Kuvendit procesin e mbikëqyrjes së zbatueshmërisë së kuadrit normativ, që synon përafrimin e legjislacionit, sipas fushave kryesore të integrimit europian.

2. Komisionet e përhershme të Kuvendit, në fund të çdo sesioni parlamentar, u kërkojnë ministrave të linjës të përgatisin një raport lidhur me shkallën e zbatueshmërisë së kuadrit normativ që synon përafrimin e legjislacionit.

3. Raporti, me vlerësimet e komisionit përgjegjës, i dërgohet Komisionit për Çështjet Europiane për të përgatitur analiza vlerësuese.

KREU VI

BASHKËPUNIMI ME SHOQËRINË CIVILE DHE INFORMIMI I PUBLIKUT

Neni 22

Bashkëpunimi me shoqërinë civile

1. Komisioni për Çështjet Europiane dhe komisionet e përhershme të Kuvendit, sipas fushës së përgjegjësisë, ftojnë grupet e interesit për të marrë pjesë në seanca dëgjimore që lidhen me procesin e integritetit, si dhe në procesin e miratimit të kuadrit ligjor që synon përafrimin e legjislacionit.

2. Komisioni për Çështjet Europiane mund të organizojë takime të hapura me shoqërinë civile për diskutimin e projektit të Planit të Veprimit të Kuvendit, për zbatimin e masave konkrete, lidhur me përparësitë për integrimin në Bashkimin Europian.

3. Procedurat e detajuara për zbatimin e këtij neni përcaktohen në Rregulloren e Kuvendit.

Neni 23

Transparenca dhe informimi i publikut

1. Kuvendi përcakton rregullat e bashkëpunimit me shoqërinë civile për të garantuar transparencën e veprimtarisë së tij për çështjet e integritetit europian dhe gjithëpërfshirjen e grupeve të interesit në këtë proces.

2. Kuvendi, në faqen zyrtare të internetit, krijon një rubrikë të veçantë për informimin e publikut për çështjet e integritetit europian.

KREU VII DISPOZITA TË FUNDIT

Neni 24

Shfuqizim

Ligji nr. 9252, datë 8.7.2004, “Për punën e Kuvendit në procesin e integritetit të Shqipërisë në Bashkimin Europian”, shfuqizohet.

Neni 25

Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

Miratuar në vitin 5.3.2015

**Shpallur me dekretin nr. 8998, datë 17.3.2015 të Presidentit të Republikës së Shqipërisë,
Bujar Nishani**